

# КЪУРБАН: КЪЫСКЪА АНЪЛАТМА

## بِسْمِ اللَّهِ الرَّحْمَنِ الرَّحِيمِ

### Къурбан: кыска аңлатма.

Эй Аллахын къуллары! Бизлерни Аллах якъынлаштыргъан эн буюк ве дегерли амеллерден бириси – бу Аллах ризасы ичюн айван соймактыр. Бу амель не къадар дегерли олгъаныны сиз аңламанъыз ичюн, мен сизден сораиджам: «Вуджуд амеллерден эн буюк олгъаны насыл?». Бу намаз. Ойле исе, Аллах къурбан кесмекни намазнен бирде аңып кече ве дей:

## فَصَلِّ لِرَبِّكَ وَأَنْحَرْ

**«Шимди сен Раббинъе намаз кыыл ве къурбан чал».**

(«аль-Кавсар», 108:2)

Кесмек тюрлю шекильде ола билир: кесмек акъикъа ола билир, Хаджда кесмек ола билир, не вакъыт инсан хадий кесе.

Лякин кесмеклернинъ чешитлеринден – къайсы бири эн дегерлидир? Бу Аллахын изининен якъын арада япадажгъымыз, бу аль-удхия. Бу Къурбан байрам кунълери кесильген къурбанлыкъ айвандыр.

Ве инанынъыз, онынъ мукафаты пек буюктир!

Онынъ мукафаты пек буюк олгъаныны бизге не исбатлай? Пейгъамберимиз صلی اللہ علیہ وسلم эр вакъыт къурбан сойгъаны, мукафаты буюк олгъаныны исбатлай. Анас (Аллах ондан разы олсун) ривает эткени киби, Пейгъамберимиз صلی اللہ علیہ وسلم бойнузлы, беяз тусте эки къочкъар сойгъан.

Чокъ инсанлар сорамакъта: «Къурбан мытлакъкъа союлмакъ керекми?».

СубханаЛлах! Эй Аллахын къуллары, мукаяфаты буюк, тешвикъаты буюк, ве Пейгъамберимиз ﷺ буны япкъан.

Эгер сен туюбуне етмеге истесенъ, бу ваджиб яда ваджиб дегиль, ойле исе мен санъа айтайын, алимлер арасында бу меселе ичюн анълашмамазлыкъ бар. Базылары дейлер бу ваджиб. Базылары исе истенильген дейлер.

Эй Аллахын къулу, бу анълашмамазлыкъ олгъаны санъа бу амельни буюк олгъаныны корьсетмейми? Бир алим топлумы (ве бу фикир Аллахын изининен пек кучлю фикир) – буны ваджиб, деп саялар. Чареси олгъан инсан къурбан соймаса онынъ устюнде гунах. Чюнки хадисте айтылгъанки, Пейгъамберимиз ﷺ дей:

مَنْ كَانَ لَهُ سَعَةٌ وَلَمْ يُضَحِّ ، فَلَا يَقْرَبَنَّ مُصَلَّانَا

«Кимнинъ къурбан соймагъа имкяны бар исе, ве о оны япмай, ойле инсан бизим джамилеримизге якъынлашмасын».

*Ахмад (8273), Ибн Маджа (2123) ве Альбани (6490).*

### Къурбан оларакъ не соймакъ мумкюн?

Тек мал (бахимат аль-ан'ам). Малгъа не кире? Малгъа деве, сыгъыр (бугъа), юфакъ муюзлю мал (эчки ве къой). Сыгъыргъа манда кирсетмеге мумкюн, базы мемлекетлерде олар бар. Къалгъанлары исе къурбан чалынмаз. Тек бу дёрт тюрлю айван, чюнки Аллах Озь Китабында дей:

وَيَذْكُرُوا اسْمَ اللَّهِ فِي أَيَّامٍ مَّعْلُومَاتٍ عَلَى مَا رَزَقَهُمْ مِّنْ بَهِيمَةِ الْأَنْعَامِ

**«Аллаһнынъ озьлерине рызыкъ оларакъ берген къурбанлыкъ айванлары узерине белли куньлерде Аллаһнынъ исмини анъсынлар».**

(«аль-Хадж», 22:28).

**Союладжакъ айванларны яшы не къадар олмакъ керек?**

Пейгъамберимиз ﷺ тайын этти, - деве, сыгъыр ве эчки «сани» деген яшта олмакъ керектир; къой ичюн – бу «джаза'а» деген яш олмакъ керек.

Пейгъамберимиз ﷺ деди:

لَا تَذْبَحُوا إِلَّا مُسِنَّةً، إِلَّا أَنْ يَعْسُرَ عَلَيْكُمْ، فَتَذْبَحُوا  
جَذْعَةً مِنَ الضَّأْنِ

**«Тек “мусимма” (сани) яшта олгъаныны союнь. Эгер сиз ичюн сани тапылмасы агъыр исе, о заман джаза'а яшта олгъан къойны (къочкъарны) союньыз».**

*Муслим (1963).*

Бу не демек?

Къочкъарнынъ джаза'а яшы – бу алты айдыр. Яни къочкъар алты айлыкъ ве ондан азы олмайджакъ.

Сыгъырны алсакъ – бу эки айдин йыл олмакъ керек.

Девени алсакъ – бу беш айдин йыл олмакъ керек.

Эй Аллаһын къуллары, билинъиз, къурбан ичюн мукафат, о союладжакъ айваннынъ къияфетинен, кемалатынен багълыдыр. Бу айваннынъ тюсюнен ве башкъа шейлернен багълыдыр.

Алимлернинъ фикирине коре, эн гузель тюз – бу беяз тюстюр. Яда бу къойнынъ тюзю чокъусында беяз оладжакъ. Башкъа тюз олмай демеймиз, амма беяз олса яда чокъ ери беяз олса, даан гузельдир. Чюнки Пейгъамберимиз ﷺ, эки къочкъар сойгъан ве олар беяз яда беязы чокъ олгъан.

Айван семиз ве дюльбер оладжакъ. Ан-Навави дей, айваннынъ семиз ве дюльбер олмасы, бу алимлернинъ фикиридир, идждадыр.

**Не вакъыт соймакъ мумкюн? Соймакъ не вакъыт башланыр?**

Соймакъ тек байрам намазындан сон башланыр, ондан эрте дегиль. Пейгъамберимиз ﷺ дей:

**ومن ذبح قبل الصلاة فهي شاة لحم**

**«Ким намаздан эввель сойса, бу адий эттир».**

*Муслим (1961) ве аль-Бухари (5556).*

Яни бу къой тек эт ичюндир, бу къурбан сайылмаз.

Не вакъыт соймакъ мумкюн? Къайсы куньлерде?  
Соймакънынъ муддети – бу байрамнынъ биринджи куню, яни онунджи Зуль-Хиджа, ве «таширк куньлери» адлангъан учь кунь девамында. Чюнки Пейгъамберимиз ﷺ дей:

**وكلُّ أيام التشريق ذبح**

**«Ташрикнынъ бутюн куньлери – бу кесмектир».**

*ас-Суюты (6313).*

Яни дёрт кунь – байрам куню ве онынъ артындан даан учь кунь. Амма сахабелернинъ сыраларындан алимлер бар, олар,- байрам куню ве ондан сон даан эки кунь соймакъ

Къурбан: къыскъа анълатма

мумкюн, деп фетве бергенлер. Бойле фикирлер Ибн 'Аббаста, Анаста ве башкъаларында олгъан.

Къурбан союладжакъ айванда, оны къурбан шекилинден чыкъараджакъ етишмемезликлер олмайджакъ. Бу насыл етишмемезликлер?

Пейгъамберимиз ﷺ аль-Барра хадисинде эписини тариф этти. Пейгъамберимиз ﷺ дёрт етишмемезлик акъкъында айты. Эгер булар айванында олса, сенинъ къурбанынъ керчек олмайджакъ. Бойле айван къурбан ичюн союлмаз.

Пейгъамберимиз ﷺ деди:

أربع لا تجوز في الأضاحي: العوراء البين  
عورها، والعرجاء البين ظلعها، والمريضة البين  
مرضها، والكبيرة التي لا تُنقي

«Дёрт етишмемезлик къурбан айванда олмамакъ керек:

1. Козю сакъат олгъан айван, не заман бу сакъатлыкъ ачыкъ (яни сакъатлыгъы корюнмесе мумкюндир, эгер исе корюнсе, о заман мумкюн дегиль, даан зияде бу къой эки козьге корь олса)».
2. Къаста айван, ве онынъ къасталыгъы айныкъ корюне.
3. Топал къой, ве онынъ топаллыгъы айныкъ (яни азачыкъ топалламай, не вакъыт дурус къойлар сюрюсиндет артта къала).
4. Фарыгъан, зайиф, кемик мийи къалмагъан айван (яни о къадар къарт, о къадар зайиф айван, энди онынъ кемик мийи къалмады).»

*ат-Турмизи (1497), ан-Насаи 4371), Ахмад (18675)*

Бу дёрт етишмемезлик, ве ондан даан беттер олгъан етишмемезликлер – эгер олар айванда бар исе, къурбан керчек олмаз.

### **Насыл соймакъ керек?**

Биринджиден, шариат боюнджа союлгъанда, бойнунда эки дамары кесильмек керек, аш ве нефес ёллары кесильмек керек.

Союлгъанда, мытлакъкъа «бисмиЛлях» айтылмасы керек. Айванны къибле тарафына яттырмасы хош корюнир. Бу дёрт мезхеб имамларнынъ фикири, ве бу ‘Абдуллах ибн ‘Умардан (Аллах ондан разы олсун) ривает этильген.

Айванны сол тарафына яткъызмалыдыр. Ан-Навави, айваннынъ сол тарафына яткъызмасы алимлернинъ бир фикири (иджма’а) олгъаныны, бизлерге ривает эте .

Не айтмакъ керек? БисмиЛлях. Аллаху Акбар!,- айтмакъ керек. БисмиЛлях – бу мутлакътыр.

**Аллахумма минка уа ляк**, - къошулса, даан гузельдир.

«Аллахым, Сенден (Сен буны бердинъ) ве Сенинъ ичюн».

Даан къошмакъ мумкюн:

**«Аллахумма такъаббаль минни уа мимма удхиян».**

«Аллахым, менден ве меннен берабер сойгъанларымдан къабул эт». Бу ‘Аиша анамыздан (Аллах ондан разы олсун) ривает этильген.

Девамында, эй Аллахын къуллары, пычагъынъызны къайранъыз, чюнки Пейгъамберимиз ﷺ деди:

**«Аранъызда олгъан, пычагъыны къайрасын ве айванны къыйнамасын».**

## **Дикъкъатынъызны даан эки шейге джелъп этмеге истейим!**

- 1) Къурбан айванында олгъан эр бир этишмемезлик, мукъфатны азлаштыра. Онынъ ичюн, айван не къадар гузель олса, мукъфат о къадар буюк олур.
- 2) Аль-удхия – бу ибадетлернинъ чешитиндендир, о тирилер ичюн тайын этильгендир. Пейгъамберимиз صلی اللہ علیہ وسلم озюнден ве аилесинден кескен, сахабелер озьлеринден ве аилелеринден кескенлер. Яни о озь темелинде, олюлер ичюн тайын этильмеген, олюлер ичюн садакъа берильмеси даан гузельдир. Эгер инсан олю ичюн бир шей япмагъа истесе, о олю ичюн садакъа берсин.

Садакъанен, Аллах ризасы ичюн къурбан кесмек арасында феркъ бармы? Бу ибадетни башкъа чешитидир.

### **Олюлер ичюн эки тюрлю кесмек бар.**

**Биринджи кесмек** – бу не вакъыт инсан озю ичюн ве аилеси ичюн кесе. О аселет олюлер ичюн кесмей, амма онынъ ниетинде эм тири аиле сакинлери эмде ольген аиле сакинлери бар. Мукъфатына олюлерниде къоша. Насыл Пейгъамберимиз صلی اللہ علیہ وسلم озюнден ве озь аилесинден, Мухаммадны صلی اللہ علیہ وسلم умметинден кескен, анда эм тирилер эм ольгенлер кире. Бунъа, не заман сен озюнден ве аиленьден ве оларгъа олюлерниде къошып кесмекте изин берильгендир.

**Экинджи чешит** – макъсус олюлернинъ адындан соймакъ. Ойле алимлер бар, буны джаиз дейлер. Амма, эй Аллахын къуллары, бу Суннет дегиль! Бу Пейгъамберимизни صلی اللہ علیہ وسلم Суннетинде тайын этильмеген. Насыл, базы инсанлар ольген анасы яда бабасы ичюн яда даан бир кимсе ичюн къурбан кеселер. Факихлер буны джаиз дейлер, амма бу Суннет дегиль. Бойле япмамасы даан гузельдир. Чюнки Пейгъамберимиз صلی اللہ علیہ وسلم буны япмагъан.

**Къурбан: къыскъа анълатма**

Пейгъамберимизни صلی اللہ علیہ وسلم о къадар къыйметли олгъан, севимли эмджеси Хамза кечинди.

Пейгъамберимиз صلی اللہ علیہ وسلم эмджесининъ адындан бир вакъыт къурбан чалдымы аджеба? Ёкъ. Пейгъамберимизни صلی اللہ علیہ وسلم тири заманында эвлядлары вефат эттилер, эвли олгъан учъ къызы вефат этти. Ич бири ичюн Пейгъамберимиз صلی اللہ علیہ وسلم къурбан сойдымы? Ёкъ. Пейгъамберимиз صلی اللہ علیہ وسلم тири олгъанда учъ огълу вефат этти, Пейгъамберимиз صلی اللہ علیہ وسلم олар ичюн къурбан чалдымы? Ёкъ. Эн севимли апайы Хадиджа ичюн Пейгъамберимиз صلی اللہ علیہ وسلم къурбан сойдымы? Ёкъ, соймады. Ве бу не сахабелерден неде башкъа бир кимседен ривает этильмеген.

Ислямда тайын этильген, инсан озю ичюн, озъ аилеси ичюн къурбан соя билир, ве бу аилеге эм де тирилер эмде ольгенлер кире билир.

Юдже Аллаха бизим ибадетлеримизни къабул этмесини ялварамыз. Байрамгъа сайылгъан куньлер къалды, ве Арефе куню къалды. Эй Аллахын къуллары Арефе кунюнинъ оразасы акъкъында утутманъыз, чюнки онынъ мукафаты пек буюктир. Аллах бизге Таухиднен яшамакъны ве Суннетте джан бермекни насиб этсин. Ве Юдже Аллахтан гунахларымызны афу этмесини сораймыз.

Къурбан: кыскыа анълатма

ЧИТАТЬ НА РУССКОМ

СЛУШАТЬ В TELEGRAM

## بِسْمِ اللَّهِ الرَّحْمَنِ الرَّحِيمِ

### Qurban: qısqa aňlatma.

Ey Allahın qulları! Bizlarni Allaha yaqınlaştırğan en büyük ve degerli amellerden birisi – bu Allah rizası içün ayvan soymaqtır. Bu amel ne qadar degerli olğanını siz aňlamañız içün, men sizden soraycam: "Vucud amellerden en büyük olğanı nasıl?". Bu namaz. Öyle ise, Allah qurban kesmekni namaznen birde aňıp keçe ve dey:

## فَصَلِّ لِرَبِّكَ وَأَنْحَرْ

"Şimdi sen Rabbiñe namaz qıl ve qurban çal".

("al-Kavsar", 108:2)

Kesmek türlü şekilde ola bilir: kesmek aqıqa ola bilir, Hacda kesmek ola bilir, ne vaqıt insan hadiy kese.

Lâkin kesmeklerniñ çeşitlerinden – qaysı biri en degerlidir? Bu Allahın izininen yaqın arada yapacağımız, bu al-üdhiya. Bu Qurban bayram künleri kesilgen qurbanlıq ayvandır.

Ve inaniñız, onıñ mukâfatı pek büyüktir!

Onıñ mukâfatı pek büyük olğanını bizge ne isbatlay?

Peyğamberimiz ﷺ er vaqıt qurban soyğanı, mukâfatı büyük olğanını isbatlay. Anas (Allah ondan razı olsun) rivayet etkeni kibi, Peyğamberimiz ﷺ boynuzlı, beyaz tuste eki qoçqar soyğan.

Çoq insanlar soramaqta: "Qurban mıtlaqqa soyulmaq kerekmi?".

SubhanaLlah! Ey Allahın qulları, mukâfatı büyük, teşviqatı büyük, ve Peyğamberimiz ﷺ bunı yapqan.

## Qurban: qısqa aňlatma

Eger sen túbüne yetmege isteseň, bu vacib yada vacib degil, öyle ise men saňa aytayın, alimler arasında bu mesele içün aňlaşmamazlıq bar. Bazıları deyler bu vacib. Bazıları ise istenilgen deyler.

Ey Allahın qulu, bu aňlaşmamazlıq olğanı saňa bu amelni büyük olğanını körsetmeymi? Bir alim toplımı (ve bu fikir Allahın izininen pek küçlü fikir) – bunu vacib, dep sayalar. Çaresi olğan insan qurban soymasa onıñ üstünde günah. Çünki hadiste aytilğanki, Peyğamberimiz ﷺ dey:

مَنْ كَانَ لَهُ سَعَةٌ وَلَمْ يُضَحِّ ، فَلَا يَقْرَبَنَّ مُصَلَّانَا

"Kimniñ qurban soymağa imkânı bar ise, ve o onı yapmay, öyle insan bizim camilerimizge yaqınlaşmasın".

Ahmad (8273), İbn Maca (2123) ve Albani (6490).

Qurban olaraq ne soymaq mümkün?

Tek mal (bahimat al-an'am). Malğa ne kire? Malğa deve, sığır (buğa), yufaq müyüzlü mal (eçki ve qoy). Sığırğa manda kirsetmege mümkün, bazı memleketlerde olar bar. Qalğanları ise qurban çalınmaz. Tek bu dört türlü ayvan, çünki Allah Öz Kitabında dey:

وَيَذْكُرُوا اسْمَ اللَّهِ فِي أَيَّامٍ مَّعْلُومَاتٍ عَلَى مَا رَزَقَهُمْ مِّنْ بَهِيمَةِ الْأَنْعَامِ

"Allahniñ özlerine rızıq olaraq bergen qurbanlıq ayvanları üzerine belli künlerde Allahniñ ismini aňsınlar".

("al-Hac", 22:28).

Soyulacaq ayvanlarnı yaşı ne qadar olmaq kerek?

Peyğamberimiz ﷺ tayın etti, - deve, sığır ve eçki "sani" degen yaşta olmaq kerek; qoy içün – bu "caza'a" degen yaş olmaq kerek.

Qurban: qısqa aňlatma

Peyğamberimiz ﷺ dedi:

لَا تَذْبَحُوا إِلَّا مُسِنَّةً، إِلَّا أَنْ يَغْسُرَ عَلَيْكُمْ، فَتَذْبَحُوا  
جَذْعَةً مِنَ الضَّأْنِ

"Tek "musimma" (sani) yaşta olğanını soyuň. Eger siz içün sani tapılması ağır ise, o zaman caza'a yaşta olğan qoynı (qoçqarnı) soyuňız".

Müslim (1963).

Bu ne demek?

Qoçqarnıň caza'a yaşı – bu altı aydır. Yani qoçqar altı aylıq ve ondan azı olmaycaq.

Sığırnı alsaq – bu eki aydin yıl olmaq kerek.

Deveni alsaq – bu beş aydin yıl olmaq kerek.

Ey Allahın qulları, biliňiz, qurban içün mukâfat, o soyulacaq ayvannıň qiyafetinen, kemalatinen bağıdır. Bu ayvannıň tūsünen ve başqa şeylerden bağıdır.

Alimlerniň fikrine köre, en güzel tūs – bu beyaz tüstür. Yada bu qoynıň tūsü çoqusında beyaz olacaq. Başqa tūs olmay demeymiz, amma beyaz olsa yada çoq yeri beyaz olsa, daan güzeldir. Çünki Peyğamberimiz ﷺ, eki qoçqar soyğan ve olar beyaz yada beyazı çoq olğan.

Ayvan semiz ve dülber olacaq. An-Navavi dey, ayvannıň semiz ve dülber olması, bu alimlerniň fikridir, icmadır.

Ne vaqıt soymaq mümkün? Soymaq ne vaqıt başlanır?

Soymaq tek bayram namazından son başlanır, ondan erte degil. Peyğamberimiz ﷺ dey:

وَمِنْ ذَبْحٍ قَبْلَ الصَّلَاةِ فَهِيَ شَاةٌ لَحْمٌ

**Qurban: qısqa aňlatma**

"Kim namazdan evvel soysa, bu adiy ettir".

Müslim (1961) ve al-Buhari (5556).

Yani bu qoy tek et içündir, bu qurban sayılmaz.

Ne vaqıt soymaq mümkün? Qaysı künlerde? Soymağnıñ müddeti – bu bayramnıñ birinci künü, yani onuncı Zul-Hica, ve "taşirk künleri" adlanğan üç kün devamında. Çünki Peyğamberimiz ﷺ dey:

## وَكُلُّ أَيَّامِ التَّشْرِيقِ ذَبْحٌ

"Taşrikniñ bütün künleri – bu kesmektir".

as-Suyutı (6313).

Yani dört kün – bayram künü ve onıñ artından daan üç kün. Amma sahabelerniñ sıralarından alimler bar, olar,- bayram künü ve ondan son daan eki kün soymaq mümkün, dep fetve bergenler. Böyle fikirler İbn ‘Abbasta, Anasta ve başqalarında olğan.

Qurban soyulacaq ayvanda, onı qurban şekilinden çıkaracaq yetişmemezlikler olmaycaq. Bu nasıl yetişmemezlikler?

Peyğamberimiz ﷺ al-Barra hadisinde episini tarif etti. Peyğamberimiz ﷺ dört yetişmemezlik aqqında ayttı. Eger bular ayvanıñda olsa, seniñ qurbanıñ kerçek olmaycaq. Böyle ayvan qurban içün soyulmaz.

Peyğamberimiz ﷺ dedi:

أربع لا تجوز في الأضاحي: العوراء البين  
عورها، والعرجاء البين ظلعتها، والمريضة البين  
مرضها، والكبيرة التي لا تُنقي

"Dört yetişmemezlik qurban ayvanda olmamaq kerek:

#### **Qurban: qısqa añlatma**

1. Közü saqat olğan ayvan, ne zaman bu saqatlıq açıq (yani saqatlığı körünmese mümkündür, eger ise körünse, o zaman mümkün degil, daan ziyade bu qoy eki közge kör olsa)".
2. Qasta ayvan, ve onıñ qastalığı aynıq körüne.
3. Topal qoy, ve onıñ topallığı aynıq (yani azaçıq topallamay, ne vaqıt durus qoylar sürüsindet artta qala).
4. Farığan, zayıf, kemik miyi qalmağan ayvan (yani o qadar qart, o qadar zayıf ayvan, endi onıñ kemik miyi qalmadı)."

at-Tirmizi (1497), an-Nasai 4371), Ahmad (18675)

Bu dört yetişmemelik, ve ondan daan better olğan yetişmemelikler – eger olar ayvanda bar ise, qurban kerçek olmaz.

#### **Nasıl soymaq kerek?**

Birinciden, şariat boyunca soyulğanda, boynunda eki damarı kesilmek kerek, aş ve nefes yolları kesilmek kerek.

Soyulğanda, mıtlaqqa "bismiLlâh" ayılması kerek. Ayvannı qible tarafına yattırması hoş körünir. Bu dört mezheb imamlarınıñ fikiri, ve bu ‘Abdullah ibn ‘Umardan (Allah ondan razı olsun) rivayet etilgen.

Ayvannı sol tarafına yatqızmalıdır. An-Navavi, ayvannıñ sol tarafına yatqızması alimlerniñ bir fikiri (icma'a) olğanını, bizlerge rivayet ete .

Ne aytmak kerek? BismiLlâh. Allahu Akbar!,- aytmak kerek. BismiLlâh – bu mutlaqtır.

Allahumma minka ua lâk, - qoşulsa, daan güzeldir.

"Allahım, Senden (Sen bunı berdiñ) ve Seniñ içün".

Daan qoşmaq mümkün:

#### **Qurban: qısqa aňlatma**

"Allahumma taqabbal minni ua mimma üdhiyan".

"Allahım, menden ve mennen beraber soyğanlarımdan qabul et". Bu 'Aişa anamızdan (Allah ondan razı olsun) rivayet etilgen.

Devamında, ey Allahın qulları, pıçağıñızny qayrañız, çünki Peyğamberimiz ﷺ dedi:

"Arañızda olğan, pıçağını qayrasın ve ayvannı qıynamasın".

Diqqatıñızny daan eki şeyge celp etmege isteyim!

1) Qurban ayvanında olğan er bir etişmemezlik, mukâfatny azlaştıra. Onıñ içün, ayvan ne qadar güzel olsa, mukâfat o qadar büyük olur.

2) Al-üdhiya – bu ibadetlerniñ çeşitindendir, o tiriler içün tayın etilgendir. Peyğamberimiz ﷺ özünden ve ailesinden kesken, sahabeler özlerinden ve ailelerinden keskenler. Yani o öz temelinde, ölüler içün tayın etilmegen, ölüler içün sadaqa berilmesi daan güzeldir. Eger insan ölü içün bir şey yapmağa istese, o ölü içün sadaqa bersin.

Sadaqanen, Allah rızası içün qurban kesmek arasında ferq barmı? Bu ibadetni başqa çeşitidir.

Ölüler içün eki türlü kesmek bar.

Birinci kesmek – bu ne vaqıt insan özü içün ve ailesi içün kese. O aselet ölüler içün kesmey, amma onıñ niyetinde em tiri aile sakınleri emde ölgen aile sakınleri bar. Mukâfatına ölülernide qoşa. Nasıl Peyğamberimiz ﷺ özünden ve öz ailesinden, Muhammadnı ﷺ ümmetinden kesken, anda em tiriler em ölgenler kire. Buña, ne zaman sen özüñden ve aileñden ve olarğa ölülernide qoşıp kesmekte izin berilgendir.

#### Qurban: qısqa aňlatma

Ekinci çeşit – maqsus ölümleriñ adından soymaq. Öyle alimler bar, bunı caiz deyler. Amma, ey Allahın qulları, bu Sunnet degil! Bu Peyğamberimizni ﷺ Sunnetinde tayın etilmegen. Nasıl, bazı insanlar ölgen anası yada babası içün yada daan bir kimse içün qurban keseler. Fakihler bunı caiz deyler, amma bu Sunnet degil. Böyle yapmaması daan güzeldir. Çünki Peyğamberimiz ﷺ bunı yapmağan.

Peyğamberimizni ﷺ o qadar qıymetli olğan, sevimli emcesi Hamza keçindi.

Peyğamberimiz ﷺ emcesiniñ adından bir vaqıt qurban çaldımı aceba? Yoq. Peyğamberimizni ﷺ

İslâmda tayın etilgen, insan özü içün, öz ailesi içün qurban soya bilir, ve bu ailege em de tiriler emde ölgenler kire bilir. Yüce Allaha bizim ibadetlerimizni qabul etmesini yalvaramız. Bayramğa sayılğan künler qaldı, ve Arefe künü qaldı. Ey Allahın qulları Arefe kününiñ orazası aqqında ututmañız, çünki onıñ mukâfatı pek büyüktir. Allah bizge Tauhidnen yaşamaqnı ve Sunnette can bermekni nasib etsin. Ve Yüce Allahtan günahlarımıznı afu etmesini soraymız.

ЧИТАТЬ НА РУССКОМ

СЛУШАТЬ В TELEGRAM